

## مورسی: اشتباه ائله‌میشم، حیران ائلهرم

مصر رئیس‌جمهوری‌نین علی‌هینه تظاهراتین ادامه‌سی وار.

محمد مورسی مصر رئیس‌جمهوری، اقتدارا چاتماغی‌نین بیرینجی ایل دؤنومونده سخترانلیق ائله‌دی و حکومتی‌نین بیرینجی دوره‌سینده اشتباهلاری‌نین اولدوغونو و اونلارین اصلاح ائله‌مه‌سی‌نین لازم اولدوغونو دئدی.

مورسی دئدی: 2011-جی ایلین ژوئن آییندا اقتدارا چاتاندان بیر سئری ایشلر گؤروب کی اونلارین بعضیسی دوز دئییلدی اما اونلارین اصلاحی ممکندير.

او مصرین سیاسی صحنه‌سی‌نین قطبلنمه‌سینه اشاره اندیب دئدی: بو مسأله مصر اؤلکه‌سی‌نین ثباتینی آرادان آپارار و دموکراسینی تهدید ائلر.

مصر رئیس‌جمهوری دئدی: هر انقلابین دشمنلری و بوتون ملت‌لرین چتینلیقلاری وار و مصر جماعتی و انقلابی دا بو مسأله‌دن استثنا اولمور.

مصر رئیس‌جمهوری، چوخونو جوانلار تشکیل اندن اعتراضچیلاری آراملاتماق اوچون دئییردی: بوتون وزیرلر و استاندارلارا امر ائله‌میشم مشکللره سبب اولان مسئوللاری ایشدن برکنار ائله‌سینلر و اؤزلرینه 40 یاشدان آشاغی اولان جوان معاونلر سئچسینلر.

بو سخترانلیق قورتولاندان سونرا مصرین مختلف یئرلرینده مخصوصاً «المنصوره» و «الشرقیه» شهرلرینده، اونون (مورسی‌نین) طرفدارلار و مخالفلری آراسیندا ووروشما باش توتدو کی یوزلر نفرین اؤلوب یارالانماسینن نتیجه‌لندی.

«روسیا الیوم» شبکه‌سی 5 نفرین اؤلمه‌سی و 237 نفرین یارالانماسیندان خبر وئردی.